

Nawîsk

Lawaziya xwandina derve ya rewşenbîran pirsgirêkek din li rewşenbîriya me zêde dike



Tehsîn Navîşkî

Li pey pêzanînên ku min hene, piraniya nivîskar û wêjevan û hunermendên me yên li ser lîstê rewşenbîran dihên tomarkirin li malên xwe pirtukxaneyên taybet bi her qebareyekî bin hene. Di ne piraniya van rewşenbîran her mehê pitir ji pirtûkekê ji bilî rojname, heftîyaname û kovarên hemecor li pirtûkxane ya xwe zêde dikin.

Pirsyara li vir xwe disepîne , erê ev rewşenbîrên me yên xwediyên van pirtûkxaneyan çi qas ji van pirtûkên bi dirêjiya meh û salan toz li ser ketiye dixwînin? Bi nêrîna min bersiv êşkera ye. Dibe rewşenbîrê me îro bi behane ya rewşa aborî ya nebaliber û şorişa teknolojiyê û rewşa na asayî ya Kurdistanê bi

giştî rêza pitirê ji pirtûkên pirtûkxane ya xwe naxwînin û dibe çav şandinê jî lê nakin heya rojname û kovarên rojane jî digehîne ber destê, dibe bi tenê manşetan dixwînin yan naxwînin! Wekî ez têdigehim ev diyardeyek a tirsnak e. Heke ji bo em tene hînine derê guman tê de tune ye wê li ayideya bandora xwe ya nerênî li ser rewşenbîriya gelê me hebe.

Bi mêzekirina min xwandina pirtûkan bi şeweyekê rêkûpêk û akademî bi her core hebin bi rêka enternetê be yan bi rêkên normal be xwarina hizra mirovî ye. Ka çawa me zîke wek xwarina giyanê wî mirovî dihê tomarkirin. Evcar her hizreka jî vê xwarinê bê behr bibe yan kêr werbigire dawiyê bivê

nevê wê pêdivî gencîneya
hizrên kevin bibe wek benîşt,
dûbare wê bicû.

Ez bawer dikim ev renga
rewşenbîr e li dawî yê wê tûşê
nexweşi ya vala ya hizirî bibe.
Helbet li vê derê êdî nikarin
peyama xwe ya pîroz bigehînin
û pêvajoyê welatê xwe ber bi
armançên hevçerx û şaristanî
bajon.

Wiloyê di hê gotin çaxê
rewşenbîrî ya her welatekî
dikeve di vê pirsgerêk a
domdirêj de, şareza û berpirsên
wî welatî her zû radibin û
dûvçûnên akademî dikin û
rapirsîn û vekolînên berdewam
di gel dana semîner û
workşopên hemereng peyrew
dikin heya bigehine encamên
durist û li çareyan digerin.

Ji ber ku welatên pêşkevî yê
xwedî azmûnên nû çaxê
pirsgirêka xwendinê li cem
xwendevanê wan peyda dibe,
berî bigehe rewşenbîrê wan,
w e k b e r h e m d a r e w î
xwendevanê berhemên wî
dixwîne hest bi lêdana zenga
metirsi yê dike ku neviyên
ayindê wî welatî tûşbibin û li
dawiye welatê wan li dawiya
karwanê pêşkevîna cîhanê
bimîne.

Lê mixabin û sed carên din
mixabin nuke nexweşiya
lawaziya xwendinê wek penqa
pêzanînê rewşenbîrî û xwarina

wî ya hizirî piraniya rewşenbîrên
me yê xwe bi nivîskariyê û
wêjevaniyê û hunermendiyê
didine niyasîn vegirtîne û çî
nîşanên zorînê li asoyê eşkere
bînin... Dibe her kesê ageh jê
tuneye diyardeyeka weha qada
rewşenbîrî ya me dagirkiriyê.

Pirsyara li vir xwe disepîne ,
erê ev rewşenbîrên me yê
xewdiyên van pirtûkxaneyan
çiqas ji van pirtûkên ku bi
dirêjîya meh û salan toz li ser
ketiye, dixwînin?

Bi nêrîna min ne tiştêkê biçûk e
îro xwendina rewşenbîrên me
yê ku xwe bi ala hilgirên
pêşkevîtin û guhorînan didine
niyasîn ji xwendina pirtûkên
rewşenbîrî ber bi xwendina
hinek manşet û sitûnên kurt yê
weşanan û çavxişandinên
saytên internet ê bi nave çaxê
lezî û teknoloji ya efsaneyî biçin!
Divê her ji nuke layenên
peywendî bi vê pirsgerêka
mezin ve heye bi zûtirîn dem
dûvçûna vê mijarê û vê
pirsgirêkê bikin û çareyên
zanistî jê re bibînin. Heke bi vê
rewşa nuke rewşenbîrê me tê de
derbas dibe welatê me yê
perçekirî her wê bimîne di
rewşeka kambaxtirê de.